


490-1



白滌洲君遺像

## 白滌洲小傳

白滌洲名鎮瀛，以字行，北平人，其先出自蒙古白濟特氏。民國四年（一九一五），年十六，入北京師範學校，堅苦自勵，每試輒列前茅。畢業後，歷任前京師公立第十七及第七小學校長，興革得宜，訓育有方，前京師學務局局長張仲蘇（謹）極器重之。民國九年（一九二〇），入國語講習所研究國語國音，以頭腦之精敏，平語之流利，故成績斐然，爲儕輩冠；黎劭西先生因引爲青年同志，約其共同戮力國語運動。此後十五年間，關於國語國音之講習，討論，宣傳，視察，編輯，君幾無役不與。十五年（一九二六）國語統籌備會着手增修之國音字典，二十一年（一九三二）教育部公布之國音常用字彙，初稿均出自君手：其在國語運動史上之偉績，殆可與陸詞之於切韻，周德清之於中原音韻相比擬也。

民國十三年（一九二四），君有志深造，毅然辭棄長職，考入北京大學預科乙部。以其餘暇佐顧孟餘先生辦理前北京教育會會務，略得微酬，藉助膏火，兼供仰事俯畜之資，儉約自給，未嘗求助於人，友朋援濟，皆善謝之。十五年（一九二六）入本科英文系，十七年（一九二八）轉國文系，從錢玄同、馬幼漁、劉半農諸先生治中國聲韻學及語音學，並能啓發其天才，獲得切實之工具。於時君已兼任教育部國語統籌備委員會常務委員及中國大辭典編纂處整理部主任，畢業北大（一九三〇）更任北平市立師範學校教務主任；事務叢脞，而能不廢所學，且參加本所第二組之語音訓練班，從趙元任先生實習聽寫方言。其所著北音入聲演變考，集韻聲類考，廣韻聲紐韻部之統計，廣韻通檢，廣韻入聲今讀表等，均於此期間陸續完成，以勤敏犀利之精神，爲實事求是之工作，努力猛進，迥異尋常。君所爲文多歸納，少推想，長於排比統計，而不爲非常可喜之論，時流或有譏其庸者，然數年之內，百忙之中，已佼佼若此，其庸亦殊不可及也！

二十一年（一九三二）歲杪，君長子藍及原配勝鑑溪女士，於一週之內相繼殤逝，次年（一九三三）一月，復丁父憂；刲鉅痛深，悲苦異常。適傅孟真先生讀君所作北音入聲演變考，喜其刲通規律，足以正訛明變，擬請君調查豫晉秦隴之入聲變讀情況以

### 白滌洲小傳

證實其結論。君遂於是年三月應本所聘赴陝西調查方言，努力工作以排遣煩悶，六月之間，凡調查音系四十二縣，並搜集民間歌謠多種。八月半返平，月終即到上海向本所報告調查經過，並為中華書局灌製標準國語國音留聲機片。十月底復應劉半農先生召北來，任北大研究院文史部語音學律實驗室助教，得暇輒整理陝西調查材料。十一月半與武進徐溶女士結婚，蜜月之中，不輟所業，其所作關中入聲之變化及關中四聲實驗錄內之聲調曲線即於是時畫成，一時傳為佳話，媲美於呂祖謙之東萊博議：其敬事負責，有如此者。

二十三年（一九三四）六月半，君隨劉半農先生赴歸綏調查方言，盛暑工作，歷時三週。歸來，即值半農先生之喪。於勞頓悲痛之餘，復受國語統籌備委員會命，赴長安講演國音，八月折往武進，伴其夫人歸寧，返平未及一月，又於九月二十三日赴鄭州出席國語羅馬字全國代表大會，三月之間，僕僕數千里，未嘗一日寧息，體敝神疲，傷寒菌遂乘虛侵襲，歸平病乃轉劇，竟於十月十二日上午四時歿於北平林葆駕醫院，得年僅三十有五，英年溘逝，聞者無不惋惜！蓋君賦性誠篤，見義勇為，舍己從人，勞怨自任：其堪供人悼傷者；固不止學術上之損失已也！

半農瀘州逝世後，陶燠民亦以病死瑞士聞。燠民福建閩侯人，清華大學文學院哲學系畢業，曾任本所第二組助理員，著有閩音研究載集刊第一本第四分。以國內治語言學者之希而一年之內共弱三人，其在國外則勞佛（Berthold Laufer）亦於九月十三日在芝加哥墜樓殞命，厄運同遭，殊可慨已！

中華民國二十三年十一月十一日，羅常培述於北平北海靜心齋。

# 白滌洲君著述提要

## 甲 整理

### 一、北音入聲演變考(民國二十年四月刊入女師大學術季刊第二卷第二期)

自元周德清中原音韻以入聲派入平上去三聲，北音入聲演化之迹已著。歷明清兩代，如熊士伯，李汝珍等皆曾有志整理，但均未得其條貫；君融貫各家之說，證以北平今讀，歸納成『全清全濁變陽平，次清次濁變去聲』之規律。

### 二、集韻聲類考(民國二十年十二月刊入中央研究院歷史語言研究所集刊三本二分) 集韻一書大系依據廣韻，但其中反切用字及聲紐韻類有無異同，尙未經人探討，且傳世版本譌舛頗多，中外學者皆無從致力。君先取諸本詳加校勘，次用番禺陳蘭甫氏切韻考方法繫聯集韻反切上字，成集韻聲類考一篇，結果定為三十九類：泥娘不分，牀禪不分，均與廣韻不同。

### 三、廣韻聲紐韻部之統計(民國二十年四月刊入女師大學術季刊第二卷第一期)

此文統計廣韻反切上下字，訂聲紐四十七類，韻部二百九十類。

## 乙 纂輯

### 四、國音常用字彙

民國二十一年由教育部公布之國音常用字彙初稿為君所主編，完成新定國音標準。

### 五、廣韻通檢(民國二十年油印本，)

廣韻一書，分韻苛細，據音求字，頗難檢尋。君據字典部首，遂韻改排，並附注「紐」「呼」「調」「韻」及其國韻今讀。

### 六、廣韻入聲今讀表(十九年)

君既考見北音入聲演變之規律，因取廣韻入聲韻字，逐一注明今讀。

### 七、國音字典稿本

國音標準既經決定採用北平音，遂於十五年秋著手增修國音字典，是年初次議決之稿本，撰寫改削亦出自君手。

## 八、注音符號無師自通

此書初稿爲君所編，出版在民國十九年教育部編注音符號傳習小冊之前。

## 九、平民字典稿本

此書係民國十四年爲平民教育促進會所編。

## 丙 實驗

### 十、關中入聲之變化 (二十二年稿)

二十二年三月中央研究院歷史語言研究所派君往陝西調查舊關中道所屬方言。歷時半載，所得材料甚多。返平後先整理其中關於入聲部分，以成斯篇。已列入慶祝蔡元培先生六十五歲論文集。

### 十一、關中四聲實驗錄 (二十三年稿)

此文亦關中方言調查材料之一部分，實爲劉半農先生四聲實驗錄之惟一嗣響。

已列入中央研究院歷史語言研究所集刊第四本第四分。

### 十二、關中音系稿

全稿包括陝西舊關中道所屬四十二縣方音系統，參用應用語音學及實驗語音學之方法，謹嚴細密，惟尙待整理。

### 十三、標準國音國語留聲機片

二十二年八月，君應中華書局之聘赴滬攝製標準國音國語留聲機片十二張。

### 十四、北平聲調之研究

此係君在北大音樂律實驗室任職時經劉半農先生指導所作之專題研究，對於趙元任先生『賞半』之說略有修正。

### 十五、河北方言紀錄

稿藏北大音樂律實驗室。

### 十六、黟縣同音字注音

此文將在國學季刊發表。

### 十七、歸綏方音調查

二十三年六月十五日，君隨劉半農先生赴歸綏調查方言。此部分材料，現存北大音樂律實驗室。